

牙牌神數

全 一 冊


上海文明書局印行



MG

B992.2

19



3 2168 3007 9

註解牙牌神數序

物莫不具陰陽奇偶之理。不獨弈之爲數然也。理既具則數呈。數呈而理自見。卽造物之端倪。測人事之吉凶。占玩之方。於是乎在人。顧習焉不察耳。如牙牌之有奇耦。此象數之尤著者也。天之數十有二。蓋以十二月爲一周天。四分其數爲四時。而聚必以三。則乾之本體存焉。地數二。則坤之本體也。人受天地之中以生。有四體卽有四端。故以八爲數。而人名焉。三才備矣。三才備而萬象呈。不動則不能變化以成象。故縱橫其奇耦之數。而錯綜之。上下爲兩。犄角爲三。陽變陰合。有調劑之義焉。故謂之和。由是而生不息矣。自其奇耦之對待者言之。有長二長三長五。五五六四六之屬。至五六爲天地之中合。而數止矣。其象或耦與耦合。奇與奇合。奇與耦交相合。此動而未離乎靜者也。是故謂之文。自其奇耦之參互者言之。有五點對七點對八點對之屬。數至九而老陽盡矣。其象各自爲奇耦。於對待之中。化奇耦之迹。此變動而不居者也。是故謂之

武。至二四爲六。陰也。么二爲三。陽也。統之得數之九。析之則一陽在衆陰之上。其象尊矣。而三之而六之。不相對而爲對。蓋亦有說。蓋就二四而中判之。則左右皆乾也。又從而分截之。則上中皆坤也。左右之數偶。判而得乾。陰中陽也。上中下之數奇。截而得坤。陽中陰也。兩儀具陳。四象迭見。而人寓乎其間。此陰陽變易。三才溷濬。動之至也。么二上奇下耦。尊卑奠定。乾清坤甯。其象秩然而不紊。此變之極。而歸於不變。還其本體。靜之至也。一動一靜。各臻其至。謂之至尊。不亦宜乎。古者著龜之設。教民卜筮。以辨吉凶。而定民志。謂神物得天地之靈。悉陰陽之變也。牙牌之象數義蘊。有如此。乃昵爲玩具。而謂不可以占乎。山中習靜。觀象繫辭。演爲此數。亦以見天地陰陽之理。隨物而寓。吉凶悔吝之機。觸緒皆通。引而伸之。其受命也如響。

岳慶山樵著

題詞

檢得青囊一卷書。枕中珍秘恰相如。同心喜有人同好。鄭丈春山金子乘之惠德付梓不惜工夫辨魯魚。

天時地利與人利。世以有天地陰陽奇耦之理見岳慶山樵序卅二張牌妙緒羅。個裏靜觀差有悟。酒兵底用破愁魔。

同調難求不止琴。每張三式訪知音。世以太乙奇門六壬爲三式今僕摘其要略名之曰三式述將欲公之梨棗以公海內但教舉世明趨避。泝澗何妨貨百金。

校書日日當生涯。問豁吟眸閱歲華。兀坐竹窗寒不礙。天心何必問梅花。

乙亥嘉平月十有一日養田氏漫題

歌訣

全副牙牌一字排 中間看有幾多開 連排三次分明記 上下中平內取裁

牙牌神數 題詞 歌訣

牙牌神數 開數 占法

四

開數

不同六開五子五開合巧四開分相三開馬軍三開對子三開么三三三開二
三靠三開正快一開

占法

十二開以上爲上上 十開十一開爲上中 八開及九開爲中平 五開至七開
爲中下 一開至四開爲下下 如遇一開俱無須虔誠禱告再占

牙牌神數

上上數 上上 上上 上上

三陽開泰喜相逢。物在春臺日在東。

所欲隨心能自至。天和人合萬緣通。

【解曰】求名求利總相宜。子嗣婚姻更可期。若問行人消息至。官司有理莫游移。
失物早尋容易得。置田宅不須疑。延醫早得高名士。藥到回春奏效奇。

【斷曰】混沌初開。三清一氣。持盈戒菑。推
行盡利。○三數上上。其吉大矣。

上上 上上 上中 稱心如意無往不利。

五百昌期名世生。太平有象日光亨。

持盈保泰臻全盛。道在中行獲利貞。

【解曰】動作皆如意。謀為必稱心。
吉人天自佑。福祿保安寧。

【斷曰】東風曉廣陌。濃綠滿新郊。藥欄花開好。焚尾殿春宵。
○兩數上上。三數亦得上中。故有焚尾之喜。

牙牌神數 上上

牙牌神數 上上

上上 上上 中平 求名求利無不咸宜。

紫微龍德坐當頭。到處逢迎不用憂。

絢爛極時平淡好。安居樂業更何求。

【解曰】大事可成。有益無咎。在爾行爲。無不中穀。

【斷曰】高風振林木。猛虎山中行。遇之夷然視。猛虎不傷人。兩得上上。猛虎在山之象。中平得中。宜其不傷人也。

上上 上上 中下 主意拏定立見成功。

一帆風順及時揚。穩度鯨川萬里航。

若到帆隨湘轉處。下坡駿馬早收韁。

【解曰】謀爲勿憂煎。成全在目前。施爲無不利。到處要周旋。

【斷曰】黃菊晚香。清節可貴。逝水回波。急流勇退。○中下稍卑。宜有急流勇退之象。

上上 上上 下下 事雖必成。費盡心力。

七十二戰 戰無不利。

忽聞楚歌。 一敗塗地。

【解曰】心下事悠然。用舍未能全。行為稍順意。謀望要貞堅。

【斷曰】萬里從軍仗劍行。鬼狐巢穴一時平。老不封侯嗟已晚。兩關燈施獨傷神。○兩得上上。忽而上下。不倫極矣。占有傷。慎之。

上上 上上 名也。有利也。有百事吉。皆成就。

海舶兩頭高。 飛篷駕六鰲。

居中能御駛。 何怕涉風濤。

【解曰】功名富貴不由人。幸遇天公助爾成。從此聲名山岳重。問君何以答皇仁。

【斷曰】蒼松倚修竹。中露楓葉丹。莫嗟顏色改。花信此中探。○首尾上上。中數亦得上中。故有探花之兆。

上上 中平 上上 隨遇而安。無不順遂。

前有高山。 後有峻嶺。

曠宇天開。 良田萬頃。

【解曰】時運正亨通。出門交有功。舟行逢順水。千里滿乘風。

牙牌神數 上上

牙牌神數 上上

【斷曰】銷石雙峯起。方塘一鑑融。天生好境界。噓爾是春風。○首尾上上。中數中平。有一鑑在中之象。洵吉兆也。

上上 中下 上上 否極泰來 步步春風。

良驥追風。 千里一蹶。

逸羣絕倫。 終異嚙櫛。

【解曰】喜喜喜。須防否。否去泰又生。到頭還是喜。

【斷曰】先捐後有益。時來步步吉。玉兔待圓生。光輝照滿室。○二數中下。三數忽然上上。有先否後泰之象。

上上 下下 上上 凡有謀望。小人須防。

成算在胸中。 安危道不窮。

淮陰天下士。 背水立奇功。

【解曰】所事本非難。忽然平地起波瀾。所事原非易。平平淡淡終有濟。

【斷曰】智者千慮。必有一失。愚者千慮。必有一得。道在中字。占在麗澤。○上上居首。中數下下。一失之象。三數仍上上。一得之象。

上上 上中 上中 謀望稱心。猶貴守分。

扶輿鍾秀氣。 間世發英材。

不得中行士。 還思狂狷裁。

【解曰】檐前喜鵲噪。房中燈蕊碧。
憂煎漸漸消。諸事成稱好。

【斷曰】聰明正直仰神人。俯事修和庶政平。拽起風帆投順境。此行
何處不通津。○上上神人之象。兩得上中。宜有和平之占矣。

上上 中平 中平 謀事有成求財大利。

大開圍場。 射鹿得麋。

顧盼自喜。 中必疊雙。

【解曰】乘馬任西東。求為定必豐。
休言心未遂。此去便亨通。

【斷曰】一口適將二口乘。道旁作室事難成。一人行則得其友。
三人行則損一人。○首數上上二三從同。故有是占。

上上 中下 中下

洛陽錦繡萬花叢。 爛漫枝頭不耐風。

三五月明時易過。 夕陽西下水流東。

牙牌神數 上上

牙牌神數 上上

六

【解曰】樂之極矣。悲將至。謀望將成。終屬空。縱然巧計安排好。猶恐相逢是夢中。

【斷曰】青天一鶴。燕雀羣起。君子傷哉。小人衆矣。貴者有權。周而不比。數當極則以一君子去衆小人。若當叔季之世。則恐衆小人讒害君子。當審時也。○首數上上。一鶴之象。亦貴象者之象。

上上 下下 欲進反退。不如不動。

巍巍三晉大梁風。侈口稱強氣自雄。

東敗於齊南辱楚。始知餘蔭不爲功。

【解曰】虛名虛利久沈沈。謀事由來未見真。癡心只望思前進。時乖運蹇總違遲。

【斷曰】離人獨立。渺渺飛仙。鼓吹兩部。坐井觀天。上上有求仙之象。兩得下下。故有坐井之占。

上上 上中 中平 已經通泰。隨心所欲。

日中則昃。月盈則蝕。

及此時光。謹守亦得。

【解曰】目下有佳音。行人在半程。時來風送急。何處不通亨。

【斷曰】隨波逐流。瞬息千里。三鳥鳴飛。一
鷗翔起。○三數蟬聯。宜有是占。

上上 上中 中下 凡百小心不可妄圖。

生老病死。人之常理。

天清地曠有窮期。人不虛生斯可矣。

【解曰】無怪事多疑。胸中少主持。
雖無差錯處。也要費躊躇。

【斷曰】機會難逢。功成欲速。鬼瞰高明。謹防
失足。○中下已卑。故有失足之戒。

上上 上中 下下 進無益且耐守。

拔茅連茹。承流當守。

其道大光。爲霖爲雨。

【解曰】平生志氣與天高。欲向長川釣巨鯨。
豈料波深難着力。此身且慢去遊遨。

【斷曰】雲間見月出。月出在高天。仰面看明月。俯影
浴清泉。○首尾懸絕。故有明月清泉之象。

上上 中平 上中 枉費心機不必求謀。

牙牌神數 上上

牙牌神數 上上

瞻之在前 忽焉在後

種瓜得瓜 種豆得豆

【解曰】歲序轉陽春。枯枝榮朵新。陶鎔歸造化。頑鐵也成金。

【斷曰】奇奇奇。地利與天時。燈火傳信後。勸靜兩相宜。中平漸殺。三數轉為上中。是以得吉。

上上 中平 中下 從前錯。今知覺。舍舊從新方的確。

天生萬物本難齊。好醜隨人自取携。

諸葛三君龍虎狗。烏衣門巷有山雞。

【解曰】疑疑疑。一番笑復一番啼。海市蜃樓多變幻。念頭拏定莫癡迷。

【斷曰】決策有狐疑。一番歡笑一番啼。文禽本是山梁雉。錯破人呼作野雞。○上。在上。二。三得中平。中下。其象不常。

上上 中平 下下 時運至必亨通。

始吉非為吉。終凶未是凶。

如衡真要道。執兩用其中。

【解曰】事雖安。心不安。變動。

兩三番。完成難上難。

【斷曰】泰山高壓闊風高。諸山羅列似兒曹。飛泉流出自山頂。白雲滾滾彌山腰。○三數不倫。勢漸卑下。故有是占。

上上 中下 上中 百般事總成空。

朝噉熊熊。過午忽逝。

魯陽揮戈。千古奇事。

【解曰】爾是人中最吉人。誤為誤作損精神。如今悔却從前事。功名成就在三春。

【斷曰】戒心莫倚巖牆立。放步須防跨阪行。何處可安身。高樓兩三層。○三數絕不相蒙。有巖巒峻阪之象。垂戒深矣。

上上 中下 中平 耐心等待時。自必亨通。

天生美質。暴棄可惜。

及早回頭。枉尋直尺。

【解曰】事已成。無推托。雖遲遲。不舛錯。

【斷曰】放乎中流。一篙一櫂。遲而不誤。退一步想。○中下中平。有一篙一櫂之象。

牙牌神數 上上

牙牌神數 上上

上上 下下 上中 凡事不利須防小人。

鴉鳴鵲噪。 吉凶互報。

守約施博。 斯為善道。

【解曰】安靜不須疑。鳥鵲休亂啼。
人間吉凶事。鳥豈得先知。

【斷曰】話雜難分音上下。危疑莫辨路高低。萬徑豈容麻索。
直。暗螢飛度影迷離。○下下上中。有上下高低之象。

上上 下下 中平 若要成須用勤。

朱輪繡蓋坐高堂。 轉眼浮雲夢一場。

聽盡笙歌樵唱好。 看完花卉稻芒香。

【解曰】抱玉藏珠久待時。幽窗靜處有誰知。
若施萬丈深潭計。自得驪龍頰下珠。

【斷曰】吉凶悔吝生平動。事不圖終昧厥初。巧計無如求象罔。碧
潭深處有驪珠。○下下有碧潭之象。中平得驪珠之象。

上上 下下 中下 宜守舊不可動。

得失分明形影隨。 眼前消息儘堪知。

平陽有路無人問。直到水窮山盡時。

【解曰】下著占先機。迂迴路轉迷。目前只宜守。且免是非。

【斷曰】得失原無定。將行路轉迷。若無人指點。二是仙機。○上上在上。繼以下下中下。故有得失無定之象。

上上 中下 下下 莫歡喜。總成空。

小時了了。大未必佳。

其言近謔。其理無差。

【解曰】喜樂喜樂。暗中摸索。水月鏡花。空中樓閣。

【斷曰】啣石填海。拋珠彈雀。視而不見。反成擔擱。○中下下下。幽暗之象。

上中數 上中 上中 諸凡如意。大吉大利。

時可圖兮勢可乘。為山端的是邱陵。

扶持總賴青雲客。龍躍魚淵象可徵。

【解曰】千里營謀造化通。功名神助貴人逢。行人已整歸鞭計。失物早尋決不空。六甲生男門戶喜。婚姻福祿自和同。病人漸漸方能好。萬事俱稱作治功。

牙牌神數 上中

牙牌神數 上中

一一一

【斷曰】柳淡千條綠。花開一品紅。天移秋月塵埃外。人在春臺雨露中。

上中 上上 逍遙自在無往不利。

自是棲鸞地。 先開駟馬門。

目前非富貴。 福蔭在兒孫。

【解曰】積德勝遺金。功名唾手成。光前且裕後。高大爾門庭。

【斷曰】二人同心。其利斷金。黃金一庫。不如教子一經。鱗兒好頭角。高大爾門庭。○兩得上中。同心之象。下有上上。高大之象。

上中 上中 中平 些須小損終歸有益。

進可以戰。 退可以守。

不戰不守。 唯唯否否。

【解曰】富貴由來未許求。羨君騎鶴上揚州。千般動作皆如意。一路榮封到白頭。

【斷曰】兩脚紛紛不掛愁。一番寒雨幾經秋。惟其動作皆循理。許爾安康到白頭。○兩得上中。而得一中平。有寒雨幾經秋之象。終以中平。是以安康。

上中 上中 中下 目下雖順終須謹慎。

步步占先機。輸贏未可知。

局中一着錯。輸卻滿盤棋。

【解曰】成已成物。有光終始。事要商量。莫致參商。

【斷曰】積德由來勝積金。羨君世代有簪纓。殘年底事行陰險。雪虐風饑末路人。○兩數上中。世代簪纓之象。中下已卑。故有末路之譏。

上中 上中 下下 凡事不利。更防暗害。

一年之計在於春。一日之計在於寅。

有花可折直須折。莫待無花空愴神。

【解曰】君家久抱采薪憂。豈料心恹筆誤投。病入膏肓救不得。青囊扁鵲也難瘳。

【斷曰】波濤作惡。不利舟楫。見神不拜。遇鬼而揖。隆隆者滅。赫赫者絕。上下在下。波濤作惡之象。兩數上中。忽得下下。故有滅絕之象。

上中 上上 上中 百事如意。大吉大利。

青雲得路。中有奇遇。

高而不危。我行我素。

牙牌神數 上中

【解曰】月老冰人說合成。紅絲繫就不勞心。
百年伉儷同偕老。瓜瓞綿綿啟後昆。

【斷曰】多財善賈。胸有智珠。長袖善舞。家有麗妹。卓哉陶朱。
泛舟五湖。○首尾上中。中藏上上。有智珠麗妹之家。

上中 中平 上中 不必急求稍遲便得。

頗有昂蕤氣。何無特達知。

風塵人不識。亥子會昌期。

【解曰】舟離渡口箭離弦。人在前途眼望穿。
莫怨行人歸棹晚。管教日內得團圓。

【斷曰】朱提鎔大寶。風骨起雙翹。中有相容處。聲聞
千夢勞。○首尾上中。中得中平。宜得是占。

上中 中下 上中 吉人天相不必憂慮。

知君不是等閒人。作事如何比匪親。

一失足成千古恨。再回頭已百年身。

【解曰】蛟龍豈是池中物。虎豹生來氣象奇。
平川水淺遭蝦戲。待看風雲際會時。

【斷曰】巍巍復巍巍。勢求瞿塘水。巴峽通巫峽。尚未窮源委。景彼艤舟人。
平心在臥起。○首尾上中。夾岸巍巍之象。中下勢卑。故有水象。

上中 下下 上中 目下雖塞。久後必亨。

內與外洽。 志同道合。

二陰間之。 泄泄沓沓。

【解曰】履險如平地。登高須慮危。
幸蒙天意合。何怕路崎嶇。

【斷曰】秋霖腹疾。損爾娟娟。離而復合。破鏡重圓。○下
下在中。為腹疾之象。終以上中。故得復合之占。

上中 上上 上上 雖有小人。不足為害。

睥睨羣倫氣不侔。 誰知推轂仗曹邱。

二十四考中書令。 一路榮華到白頭。

【解曰】鼠牙雀角本非奇。彼若欺人反自欺。
明鏡高懸道理正。管教庭訓得和宜。

【斷曰】手挽銀河足踏雲。立身高處覽天文。嫦娥本是神仙侶。三
五盈時說與君。○以上中而在兩上上之上。故有是占。

上中 中平 中平 耐心等待。時收成在後。

有志事竟成。 因人終碌碌。

牙牌神數 上中

不飛復不鳴。無榮亦無辱。

【解曰】已叶熊龍夢。於今未產嬰。誕期尚未屆。且自放寬心。

【斷曰】龍山整冠。滄浪濯足。拾土成金。射兔得鹿。○上中在上。如山如冠之象。兩得其中平。故有是象。亦吉占也。

上中 中下 中下 小人多須防之。

天下事。 尙可圖。

庸醫殺人其奈何。 一誤再誤胡爲乎。

【解曰】不是君家命運低。如何屢次失東西。勸君及早牢關鎖。檢點些兒也不遲。

【斷曰】青春年少擅才華。不是尋常宰相家。一闌清歌綾一疋。兩行紅粉擁烏紗。○上中在上。故有宰相之象。迭占中下。兩行紅粉之象。亦吉占也。

上中 下下 下下 小心謹慎不可妄想。

手持利劍刺犀兕。 迎刃而解差可喜。

自檜以下無譏焉。 其餘不足觀也已。

【解曰】福可求兮禍可招。吉凶原隔一絲毫。君今不悟休來問。福不雙兮禍莫逃。

【斷日】莫訝小山小。白石爲骨樹爲表。君不見敬仲子孫竟代齊。古人云尾大便不掉。○首數上中。二三下下。故有尾大不掉之占。

上中 上上 中平 若要成不可懈。

漢家火德未全衰。 白水真人大業恢。

天意中興臻上理。 下民安樂頌康哉。

【解日】豐稔秋登大有收。田家今歲不須憂。三時梅雨均沾足。四野黃雲佈滿疇。

【斷日】太史新書大有秋。太平帖子唱街頭。風花雪月時時喜。滿地黃雲拂綠疇。○三數皆不卑下。故得吉。

上中 上上 中下 雖無大好尙屬順適。

先聲已播。 可喜可賀。

大捷之餘。 還虞小挫。

【解日】生男勿喜女忽悲。生女也可壯門楣。前生未種藍田玉。忍耐且吟弄瓦詩。

【斷日】出門莫問路東西。一步高來一步低。寬處有緣窄處險。行人去向是懸懸。○上上高。上中低。上上寬。中下窄。中下在下。懸懸之象。

上中 上上 下下 得而復失不如不貪。

牙牌神數 上中

物理惟憑造化推。難將智慧論興衰。

時來風送滕王閣。運退雷轟薦福碑。

【解曰】置產須要得公平。交易公平產必盈。此日若施好巧計。他時悖出兩相稱。

【斷曰】出入華胥境。路逢白眼人。春風吹不到。一片別離心。○以上中而遇上上。順境之象。忽逢下下。別離之象。

上中 中平 上上 東西南北無往不利。

鯤鵬將圖南。去以六月息。

羊角搏扶搖。大振垂天翼。

【解曰】旭日正當空。光輝宇宙中。營謀乘此際。何事不與隆。

【斷曰】山有起伏。路有跛平。鬚眉如戟。肝膽照人。曦輪方息影。皓月又東升。○上上中平。有起伏跛平之象。上上在下。宜以吉終。

上中 中平 中下 小人播弄。謹慎無妨。

陽剛不振。陰柔已伏。

載胥及溺。其何能淑。

【解曰】驛驢固云善。驚馬亦可乘。惟恐的盧馬。未免妨主人。

【斷曰】壯夫失路。貧女傷春。回頭猛省。慚不如人。○三數漸低。故有不如人之象。

上中 中平 下下 只宜退守不可前進。

龍華會裏人。還仗修爲力。

閒時不經營。佛脚抱何益。

【解曰】買個牛兒去種田。結間茅屋白雲邊。也知時運多顛倒。何必驚求惹禍纏。

【斷曰】深山僻澗已多年。又蹈紅塵學劍仙。暮楚朝秦成底事。誤人畢竟是貪泉。○以上中起。繼以中平。入山出山之象。終以下下。貪泉之象。爲善不卒。故有無益之占。

上中 中下 上上 守我本分自能上達。

倒退如牽上瀨舟。黃楊阨閨苦虔劉。

那知柳暗花明處。恰在山窮水盡頭。

【解曰】久坐塵埃心已灰。無端富貴又來催。鹽梅自是調羹用。那許凡夫坐井窺。

【斷曰】星使乘流去若飛。漢人親見石支機。補天不費天孫手。記取仙槎送爾歸。○上中而遇中下。其勢漸卑。乘流之象。以上上終。窮源得石之象。

上中 中下 中平 人貴知足不可妄作。

身在高山欲上天。 忽生艱阻費周旋。

積勞始信閒為福。 多病方知健是仙。

【解曰】積玉堆金富有餘。也須勤儉莫奢侈。常將有日思無日。莫待無時想有時。

【斷曰】鷗鷺拍拍飛。欲翅啄鯉鯉。一葉打將來。忍饑復驚起。上中而遇中下。斂翅之象。以中平終。故有健仙之占。

上中 中下 下下 間是非。君莫管。切己事。須自勉。

有基弗為。 日以侵削。

聽其自然。 不可救藥。

【解曰】莫謂功之首。且為罪之魁。功卻未必賞。罪則有攸歸。

【斷曰】相如消渴。頭重腳輕。聲聞於宮。永巷知名。黃金取酒。的是解人。上中居上。下下居下。頭重腳輕之象。中下居中。解人之象。

上中 下下 上上 求名有求財得。

良材休自蠹。 屈蠶必求伸。

喫得苦中苦。方爲人上人。

【解曰】芸窗雖說有深功。無奈朱衣不肯從。丹桂杏花相逼近。羨君此日定輝煌。

【斷曰】飛矢貫蝨。長劍倚天。小言詹詹。大言炎炎。括囊无咎。哲者自全。○上上下下。高卑懸殊。故有大小之象。上中居上。獨得自全之象。戒占者。毋以言取咎也。

上中 下下 中平 歷過辛勤。可望上進。

積得牀頭子母錢。夜逢豚篋一時捐。

從前枉費經營力。此後安然得晏眠。

【解曰】巍巍科甲喜同登。十年窗下苦呻吟。不是一番寒徹骨。怎得梅花撲鼻馨。

【斷曰】狂吏繞牀呼。東堂得雉餘。休祥憑五采。一喝便成盧。○上中在上。得雉之象。下下轉過中平。喝成盧之象。占者主吉。

上中 下下 中下 諸宜小心。守分爲上。

勳華之後。降爲輿臺。

安分守己。僅能免災。

【解曰】莫說今年運已通。誰知作事不相同。漏屋更遭連夜雨。破船又遇打頭風。

牙牌神數 上中

牙牌神數 中平

二二

【斷曰】淨植荷亭亭。滿蓄出秋水。游魚戲葉東。翡翠藏葉底。清標耐露寒。不肯隨風奏。○上中在上。植荷之象。二三數。魚鳥之象。幸下下而轉中下。安分守己。亦可變凶為吉。

中平數 中平 中平 中平 凡事如意。不必猜疑。

凡事從容遜一籌。也無驚寵也無尤。

有人問我真消息。二月春分八月秋。

【解曰】百事盡安寧。營謀指日成。官事自和解。失物易追尋。行人頃刻至。六甲定生麟。婚姻天配合。病者得延齡。

【斷曰】莫向人間問羽翰。何須海外覓青鸞。鱸魚三食神仙字。似已飛升上九天。○三數中平。和平之象。數皆大吉。

中平 中平 上上 名利稱心。不求自得。

年來安穩謝蒼天。守舊惟憑心地堅。

百尺竿頭饒進步。平安吉慶本相連。

【解曰】春秋兩載好聲名。累世陰功佑爾成。從此栽培益加厚。管教後代發簪纓。

【斷曰】魏魏門第甚堂皇。兩捷春秋姓字香。屈指待逢龍虎日。御書親點狀元郎。○兩得中平。兩捷之象。以上上終。宜有狀頭之象。

中平 中平 上中 苦盡甘來。漸入佳境。

平平穩穩。 落落窈窕。

淺水長流。 新竹解籜。

【解曰】風寒雨濕苦相侵。奈爾虜纏未慣經。喜得沉疴今漸退。調和珍重保長生。

【斷曰】東鶴西麟。其影雙雙。有隻金鰲。大力獨扛。守而克持。強則弱降。只宜守弱。不宜持強。○兩得中平。有鶴雙雙影之象。以上中終。有金鰲之占。

中平 中下 靜心守莫妄求。

履霜堅冰。 其象已見。

不進則退。 君子善變。

【解曰】修行學道保天真。總是生前有善根。身在靜時心不靜。譬如身外見金針。

【斷曰】一徑入天台。逢仙話劫灰。未將凡骨換。依舊轉紅埃。○一二中平。有徑入天台之象。惜中下在下。故有善變之象。

中平 中下 事情無定安分待守。

無用莫欺心。 欺心禍即臨。

守愚安我拙。 或可免災履。

牙牌神數 中平

牙牌神數 中平

【解曰】行人身已動。有事又牽羈。喜得身安泰。歸來自有期。

【斷曰】樹生連理枝。上有雙飛鵲。鑿穀不成雞。辛勤安所託。首二中平。連理雙飛之象。三數下下。穀不成雞之象。

中平 上上 中平 存心忠厚。獲福無量。

盛德若愚。深藏善賈。

以貌取人。失之子羽。

【解曰】欲決千里計。先觀屋內人。眠牛嘶馬地。所卜是佳城。

【斷曰】張琴待月。月到天心。時不可失。觸手成春。○上上在中。善賈之象。亦天心之象。首尾中平。宜有觸手成春之象。

中平 上中 中平 你再等等。即有好音。

莫嫌舞袖太郎當。做帚千金價自昂。

自古癡人有癡福。羨他終始得安康。

【解曰】青鸞家報杳。黃犬音信乖。指日奚童到。何須問六爻。

【斷曰】左拍洪崖肩。右挹浮邱袖。或挽於前。或推於後。心有主持。慎重不苟。○上下得中平。有左右前後之象。上中在中。又有心象焉。

中平 中下 中平 目下阻滯。久後可成。

明明一條坦路。就中坎窞須防。

小心幸免失足。率履不越周行。

【解曰】寶鏡無塵染。如今烟霧昏。若得人磨拭。依舊復光明。

【斷曰】蜂腰鶴膝。屈而不舒。見兔顧犬。切勿守株。失之東隅。收之桑榆。○中下間隔於中。宜有蜂腰鶴膝之象。究以中平終。則收之桑榆之象。

中平 下下 中平 辦事須早。不可耽延。

語言無味。面目可憎。

若問居心。卑鄙尤甚。

【解曰】雖有光明路。難防捷足先。將就且安分。不少一青氈。

【斷曰】中平。出本無心。歸則有意。洵哉彭澤。不宜粟里。何以折腰。五斗而已。首尾中平。下下在中。折腰之象。以中平而遇下下。仍遇中平。故為歸兆。

中平 上上 上上 謀望有成。尙需時日。

跨下王孫久見輕。登壇還使一軍驚。

牙牌神數 中平

牙牌神數 中平

二六

魚龍變化原無定。時至風雲足下生。

【解曰】赤日炎炎似火燒。日中禾稼盡枯焦。若逢龍虎風雲會。自有甘霖降九霄。

【斷曰】古塚埋秦鏡。昔日畫雙龍。待君勤拂拭。的的土花濃。○中平鏡象。兩得上上。雙龍之象。

中平 上中 上中 喜氣重重。有求必遂。

安適無可虞。前行盡坦途。

更欣依傍處。時與貴人俱。

【解曰】已沐皇恩寵。初叨雨露深。蟾宮圓滿日。再聽送佳音。

【斷曰】一到春來柳浪生。垂堤十里盡康衢。快鞭白鶴揚州去。廿四橋頭月滿湖。○兩得上中。坦途康衢之象。吉占也。

中平 中下 中下 不必着急。凡百有定。

所願非奢。未能滿欲。

畫虎不成。刻鵠類鶩。

【解曰】知君久欲覓良緣。自有嫦娥下九天。但使河東安睡穩。莫教風急散文鴛。

【斷曰】挽弩求中。一發雙雕。反弓而踣。禍由自招。爾心不固。爾趾太高。虛中集益。謙之六爻。○兩得中下。雙雕之象。其象已卑。故有招禍之占。垂戒深矣。

中平 下下 下下 有始無終不能成事。

靜則庶幾。動輒得咎。

狼跋其前。載寔其後。

【解曰】憶昔成連理。如今琴瑟乖。大限雖未到。終久兩分開。

【斷曰】爲下喬木。入於幽谷。戊己多傷。甲乙叢殺。無平不陂。無往不復。○中平而兩遇下下。故有入幽之象。平陂往復。勉人之訓。

中平 上上 上中 財源輻輳。名利雙收。

平生畏簡書。攬轡意躊躇。

三接龍光後。依然賦遂初。

【解曰】君問平生事業奇。前人惜福後人宜。東西南北皆如意。一路康莊任爾馳。

【斷曰】相君之面。積德有年。人心反覆。天道好還。何以報之。子孝孫賢。○三數不同。反覆往還之象。上上上中。子孫之象。

中平 上上 中下 倚人成事。獨力無功。

牙牌神數 中平

造物於人多鶻突。

紛紛成敗難稽核。

無心插柳柳成陰。

有意種花花不發。

【解曰】虛扁今何在。青囊有秘方。但逢龍虎日。自必保安康。

【斷曰】相彼雨雪。先集維霰。見睍曰消。視而不見。○中平在上上之先。有霰之象。終以中下。宜其視而不見也。

中平 上中 上上 得人扶助方能如意。

八九元功已有基。

頻添火候莫差池。

待看十二重樓透。

便是丹成鶴到時。

【解曰】雲布滿山低。西風逐葉飛。若逢丁與丙。始得見光輝。

【斷曰】青天何其高。我有上天梯。綠水何其深。我有分水犀。因禍得福。化險為夷。○中平在上上在下。故有上天分水之象。三數遞高。故以吉終。

中平 上上 下下 是是非非。切不可管。

本來面目自家知。

得意還防失意時。

逾分要存知足念。

貪心全喪舊根基。

【解曰】空爭氣不平。纏繞到公庭。莫謂君多直。還愁曲者贏。

【斷曰】纖手弄琵琶。逢人慢自誇。傷心十八拍。邊塞起悲笳。○中平忽遇上下。宜其自誇。繼以下下。則邊塞悲笳之象也。

中平 上中 中下 謙受益。滿招損。凡事謹慎。

小富由人力。勤修是永圖。

偷安無進意。頓失舊規模。

【解曰】蛾眉伐性斧。多言啓禍階。貪杯能致亂。和氣免傷財。富向勤中得。貴從修裏來。人能明此理。災退福星回。

【斷曰】○公無渡河。海水生波。回頭是岸。波生奈何。立定脚跟。慎無偏陂。○中下在下。海象也。中平在上。岸象也。立定脚跟。垂戒深也。

中平 上中 下下 不如守舊。方得逍遙。

剝木爲舟楫。虛中可濟川。

浮沈終朽敗。委棄不如椽。

【解曰】喜未至時怨已招。驟雨狂風徹夜號。心中無限事焦勞。遷移何似從前好。

【斷曰】風塵物色。相賞有真。花開成錦。落地成茵。時事變遷。難得知音。○以中平而遇上中。花開之象。忽逢下下。爲茵之象。三數不同。故有變遷。

牙牌神數 中平

牙牌神數 中平

中平 中下 上上 喜非喜。憂非憂。耐心守舊。

不如人處聽升沈。隨分常存退處心。

君子勞謙終獲吉。有時瓦礫變黃金。

【解曰】事事平平過。行人舟泊河。雖無凶與險。憂心莫奈何。耐佗守佗。終得長風涉怒波。

【斷曰】平而中下。平而中下。許多委曲。塞翁失馬。轉禍為福。○中平而中下。不足之象。上上在下。宜以禱終。

中平 中下 上中 失而復得不用憂疑

終日江干守釣磯。水寒餌盡嘆無魚。

耐心十日灘頭坐。獲得金鱗願不虛。

【解曰】兔走質難獲。埋藏窩不開。但須縱鷹犬。何愁捉不來。

【斷曰】栽培護喬木。長養發新枝。莫道花開早。須知果結遲。○中平直隔上中。中隔中下。故須長養。上中終象為結果。

中平 中下 下下 謹防小人蹉跎庶免。

小草敷榮。全資灌溉。

不漑不灌。日見萎敗。

【解曰】須防暗裏箭。還愁江上波。休信直中直。人面獸心多。

【斷曰】駿馬不羈。絕塵飛去。危乎危乎。朽索難馭。塵臍何及。善謀宜豫。○三數蟬聯而下。飛去之象。不致太卑。故云豫謀。

中平 下下 上上 自小至大 漸漸亨通。

驚馬上危坡。崎嶇未易過。

道逢高士引。仙境在巖阿。

【解曰】經營稱夷吾。智謀猶子貢。如覓蠅頭利。冬來可稱心。

【斷曰】龍潛於淵。或躍於天。甘霖四野。徧澤大千。煦嫗覆育。萬物含具。不利西北。卻利東南。○下下上上。在天在淵之象。東南兩方故利。

中平 下下 上中 和合氣象。其利斷金。

數畝低窪池。秋霖晚稻場。

重陽欣戌遇。收穫有餘糧。

【解曰】兩人和合見交情。二子同心利斷金。管鮑陳雷今已往。羨君終解古人心。

牙牌神數 中平

【斷曰】庭竹搖窗際。俯然枕簟涼。偶然行起處。錯趾笑人忙。
枕簟為卑下之象。忽得上中。象應起行。故戒以錯趾。

中平 下下 中下 宜持重。莫輕動。

庸流無識。 弄巧成拙。

亡羊補牢。 得不償失。

【解曰】緩行遭地網。輕舉入天羅。
謹憚方為上。履冰莫過河。

【斷曰】中平下下。其勢已卑。故有屠狗之象。中下稍勝下下。故有富貴出漁家之象。
盈貫青珠市肆誇。居然屠狗是生涯。一朝樊籠從龍去。富貴原來出漁家。

中下數 中下 中下 中下 事難成。且耐守。

命蹇時乖運不如。 還同涸轍困窮魚。

死灰尚有燃機在。 降氣平心待展舒。

【解曰】命蹇總長嘆。時乖運不堪。問病災難退。官司且耐煩。
行人多阻隔。失物不能還。婚姻非配偶。六甲欠平安。

【斷曰】不飛不鳴。彌彌失羣。志同道合。
有得有失。恭喜恭喜。取得無幾。

中下 中下 上上 得人扶助。步步春風。

疑是復疑非。憂讒更畏讒。

星回歲轉後。雌雉亦高飛。

【解曰】欲進又徘徊。事危心莫危。水邊人指引。名利得榮歸。

【斷曰】結伴同行。左提右挈。時運平平。大者得力。兩得中下。結伴之象。以上上終。故能得力。

中下 中下 上中 勤加培植。收成在後。

蹀躞平原屢見顛。看人飛鞚著先鞭。

而今學得交衢舞。突過尋常一輩賢。

【解曰】名花園裏植。澆灌又當時。莫訝花多茂。須知果結遲。

【斷曰】燕雀雖小。兩翅飛飛。牛羊雖蠢。兩角齊齊。避凶趨吉。達者知機。○兩數中下。兩翅兩角之象。以上中終。故能趨吉。此惠迪則吉。從逆則凶之占。

中下 中下 中平 先否後泰。由難而易。

枉用推移力。沙深舟自膠。

西風潮漸長。淺瀨可容篙。

牙牌神數 中下

【解曰】君家莫怨運遲遲。一帶尤昭百快先。失之車隅雖可惜。公平獲利倍如前。

【斷曰】雙丸跳轉乾坤裏。差錯惟爭一度先。但得銅儀逢朔望。東西相對兩團圓。○兩得中下雙丸之象。中下與中平相去不多。故有是占。

中下 中下 下下 事宜緩圖不可欲速。

瑣屑瑣屑。 心勞日拙。

騎梁不成。 反輸一帖。

【解曰】口舌致紛擾。取索必參商。爭寬終有益。逼促見災殃。

【斷曰】夾岸柳絮。驚藏鳴隕。不怕柳枝枯。只防柳絲縮。豈能裝白棉。所冀垂青眼。○中平居中。驚藏之象。亦絲縮之象。

中下 上上 中下 財旺生官。有求必應。

量淺福薄。 黃金入橐。

不種福田。 還防禍作。

【解曰】富有基兮貴有基。近山望見遠山低。黃金多積家殷富。何必孜孜羨錦衣。

【斷曰】南山望與北山齊。惟有中峰插天起。飛泉一道潤物功。雞豚社賽春秋裏。○首尾中下。兩山之象。上上居中。中峯之象。亦吉占也。漸進則有功。躁進則無益。

中下 上上 中平 千里姻緣一線牽。百凡事體自完全。

人望高來水望低。運通忽遇上天梯。

須知高處多危險。穩步平康路不迷。

【解曰】雀屏已中選。坦腹在東床。自是天緣合。堪為入贅郎。

【斷曰】少小書生。高處立。闊處行。鶯鼓如簧舌。拋梳織柳金。不自早抽身。難免受虛驚。○中下低望之象。亦小小之象。上上天梯之象。亦高闊之象。抽身免驚。以得中平終也。

中下 上中 中下 凡事可成。不宜性急。

拂衣徒步出門去。駟馬高車作上賓。

富貴但知驕妾婦。蘇秦還是舊蘇秦。

【解曰】既騎千里馬。何須奔命追。海闊魚頻躍。天空任鳥飛。

【斷曰】南山必有潭。兩凹必有凸。隱處寬。險處窄。謹慎小心則吉。若以富貴驕人則凶。○首尾中下。兩山凹之象。上中在中。得中也。

中下 上上 下下 莫貪求。枉勞心。

隨高逐低。得步進步。

牙牌神數 中下

觀望徘徊。終歸自悞。

【解曰】大厦千間。夜眠七尺。少置田園。多積陰德。兒孫不肖。置之無益。兒孫若賢。何學費力。味乎斯言。勿忘勿失。

【斷曰】有屈有伸。能發能收。心勞日拙。心逸日休。卑以自牧。樂以忘憂。○忽上忽下。伸屈發收之象。上上在中。心象也。下下在下。卑象也。君子占之吉。小人占之凶。

中下 中平 中下 須謹慎防小人。

乳燕學高飛。雖飛亦不遠。

非關氣力微。羽毛未豐滿。

【解曰】羣凶彌六合。日月蔽塵塵。修德從今始。猶難免禍侵。

【斷曰】不因柳絮化前身。那得浮萍聚水濱。狎暱羣豪傷比匪。得全根本是何人。○兩頭中下。中平居中。乃是萍水聚濱之象。漂萍無根之象。謀望恐難成就。

中下 下下 中下 須知足莫取辱。

下駟之乘。加鞭愈劣。

何如伏櫪。轉可藏拙。

【解曰】恃富因忘本。貪婪竟失中。欺心天不佑。神道豈私凶。

【斷曰】拗堂流水漾微流。帆飽西風蕩芥舟。萬里前程何日到。龜姑從不說春秋。○首尾中下。中有下下。拗堂之象。龜姑不知春秋。卑之也。

中下 上上 上上 名成利就大吉大利。

休將困苦怨青衫。一出風塵便不凡。

更喜蓬瀛水清淺。海天如鏡好張帆。

【解曰】奉命與師膽氣豪。胸藏星斗貫龍韜。令出帳前山岳動。威行部下鬼神號。指日三軍當奏凱。並看賊衆豈能逃。太平原是先生定。麟閣功勛姓氏高。

【斷曰】千金不受。飯爾王孫。胯下則辱。登壇則尊。背水列陣。妙不可言。○兩得上上。登壇之象。一路風帆。無往不利。

中下 上中 上上 功夫宜久。事業日增。

浮圖矗立出重霄。拾級行來步步高。

但到半途須努力。要登顛頂莫辭勞。

【解曰】煉石曾看五色天。仙人又煉幾千年。君家甲子何須問。三咲蟠桃作上仙。

【斷曰】磨鐵成針。磨甌作鏡。登高閣人。毋辭力盡。○中下上中。直至上上。登高閣人之象。宜有是占。

中下 上中 中平 名利有成。無不遂意。

牙牌神數 中下

牙牌神數 中下

三八

其行趑趄。其履亨衢。

將上不足。比下有餘。

【解曰】耆老郵亭接兒童竹馬迎。愛民如父母。政德好聲名。

【斷曰】二三耆老出郵亭。笑指兒童竹馬迎。聖代即今多雨露。諸君何以答昇平。○上中中平二三耆老之象。中下在上。兒童竹馬之象。

中下 上中 下下 急流勇退。凡事勿貪。

逆流宜勇棹。進步得騰挪。

稍懈撐持力。看看退已多。

【解曰】高里去從軍。孤身仗劍行。功名雖顯達。未得早歸林。

【斷曰】舞雩沂水樂天真。童冠嬉遊入暮春。儘有文章隨手得。塾中含笑是先生。○中下下下童冠之象。上中居中。先生之象。

中下 中平 上上 貴人照應。凡事稱心。

遠行必自邇。登高必自卑。

盈科無不進。累卵復何危。

【解曰】百歲儒爲貴。儒爲席上珍。滿朝朱紫貴。盡是讀書人。

【斷曰】幾年豹隱藏深處。一旦鵬飛直上天。若得金口人借力。前途自爾著先鞭。○中下中平豹隱之象。終得上上。故此鵬飛。

中下 中平 上中 待時而動。謀望皆吉。

出門何所圖。 勝如家裏坐。

雖無上天梯。 一步高一歩。

【解曰】春雨潤原隰。何須憂歉豐。西成歌大有。歡樂萬人同。

【斷曰】上山易。下山難。上山白虎。下山青蛇。斬蛇還伏虎。獸獸即巽。○三數遞增。山之象也。其數上下。勢不一也。

中下 上中 上中 努力向前。事必有濟。

霜塗胼胝夏秋交。 冬月陽生粟滿廩。

八口之家勤有穫。 頻年總比下農高。

【解曰】學問豈難事。功夫貴勉旃。若加勤苦力。自可出青毡。

【斷曰】乳燕飛飛戲。雙剪濛濛衣。任他風共雨。不管是非。○中下乳燕之象。兩得上中。雙剪之象。上中不卑。故免是非。

牙牌神數 中下

牙牌神數 中下

四〇

中下 中平 中平 危難已過。坦行無忌。

棋力酒量。 非關退讓。

竭蹶爭先。 欲上不上。

【解曰】已過危橋百事安。何須慮有艱難。蛟龍得意興雲雨。一入雲霄便不凡。

【斷曰】秋水官橋闊。青山駟路寬。好扶鳩杖過。綠竹報平安。○兩遇中平。虎關之象也。中平得中。故平安也。事有定分。不可妄求。求得平安即是福也。

中下 下下 下下 口舌重重。命運多窮。謹慎自勵。趨吉避凶。

困勉斯為學。 因循誤一生。

平時不立志。 到老百無成。

【解曰】口舌向人來。保身且慎災。家中防盜賊。門外恐傷財。

【斷曰】日月自東出。河漢向西流。出者有時沒。流者無盡頭。○以中下而遇兩下下。有水勢傾流江河日下之象。

中下 上上 上中 求名求利。莫不成就。

荆山有遺璞。 雕琢成圭璋。

用爲廊廟器。 舍得賈胡藏。

【解曰】少小推英傑。從軍萬里行。 姓名銘鐘鼎。聲華振帝京。

【斷曰】姑射仙人跨鳳遊。百花深處且勾留。 變成裂就霓裳曲。不是知音不點頭。○中下而遇上上。飛仙跨鳳之象。上中稍殺。勾留之象。

中下 中平 下下 自己主張莫聽人言。

東郭當年乞餒餘。 一朝溫飽喪其初。

人心不足蛇吞象。 天理難忘獺祭魚。

【解曰】同業又同根。非同陌路人。異姓猶相愛。何如手足親。 田氏謀多著。張公義習因。但以天倫重。莫聽枕邊人。

【斷曰】山木不高。樹大則陰。泉水不深。潭靜則清。自暴自棄。一事無成。○三數俱卑下。不高不深之象。

中下 下下 上上 先危後安。料亦無妨。

若履虎尾。 轉憂成喜。

不入虎穴。 焉得虎子。

【解曰】一紙官文火急催。奉行員役迅如雷。 雖然目下多驚恐。保爾平安去復回。

牙牌神數 中下

【斷曰】我有寶劍。能透重泉。我有寶拂。能掃雲烟。噫。點石成金。原戲幻。笑他和。騰獅子錢。○下下重泉之象。上上雲烟之象。三數遞變。點石成金之象。

中下 下下 上中 存心好。到處吉。

造化牢籠困我徒。不如意。事數偏多。

堅心降得魔千丈。畢竟今吾勝故吾。

【解曰】羨爾生來有吏才。如今此去復當該。公門莫道無修積。正好修行在此來。

【斷曰】盆虛消息在機先。理數原從一晝天。蛟龍自分泥塗死。頓有風雷直上天。○三數多變。盆虛消息之象。以上中終。上天之象。

中下 下下 中平 求人不如求己。他鄉何似故鄉。

蒸地起波瀾。紆迴蜀道難。

黃金能解厄。八九得平安。

【解曰】人情更比秋雲薄。蜀道何如友道嬌。故園荒徑猶堪念。何必風霜訪故知。

【斷曰】積雪為山。蠶螢作燈。小者有用。大恐不勝。臨深履薄。戰戰兢兢。○三數俱卑。宜小不宜大。臨履戰兢。占者當如是也。

下下數 下下 下下 安分守己。尚恐獲咎。

六陰連遺象艱危。消息如斯莫強爲。

惟有齋心勤省疚。元關轉處吉神隨。

【解曰】白虎當頭坐命宮。求名求利總成空。行人魚雁無消息。病有仙丹也少功。官司立見災刑至。失物難尋命運窮。婚姻雖配終難合。六甲須防產婦凶。

【斷曰】拔茅連茹。其象翩翾。事當有齊。不可息肩。水窮山盡。別有一天。

下下 下下 上上 否極則泰不必憂慮。

范舟灰裏卜行藏。相對牛衣泣未央。

秋圃黃花看晚節。太公八十遇文王。

【解曰】月缺又重圓。枯枝色復鮮。暗中神鬼佑。綿綿福祿全。

【斷曰】同聲同氣。兩小無猜。占之得利。小往大來。兩得下下。兩小之象。以上上終。大來之象。

下下 下下 上中 貴人扶持危而復安。

一文羞澀阮囊錢。心事還如百沸煎。

且喜分金逢鮑叔。照人肝胆足圖全。

牙牌神數 下下

牙牌神數 下下

四四

【解曰】 爾乘病馬渡危坡。難免疎虞失足多。幸賴執鞭人得力。不致險處有蹉跎。

【斷曰】 長沮桀溺舊知名。叱犢聲聲去耦耕。占得枯囊渾不語。知津還是問津人。○兩數下下。耦耕之象。終得上中。問津之象。

下下 下下 中平 動必有礙。耐心可免。

徬徨徬徨。 進退郎當。

民亦勞止。 汔可小康。

【解曰】 花飛春已去。蝶至奈花殘。惟有松與竹。終能耐歲寒。

【斷曰】 西冷多松柏。並立何青青。請問蘇小墓。誰是意中人。○兩得下下。並立之象。終以中平。墓象也。得是占者。謹防鬼語。

下下 下下 中下 諸事不順。還防災禍。

比匪爲偶。 蠅營狗苟。

小草露華滋。 沾潤亦不久。

【解曰】 寒遭怪作祟。逐日病添憂。雖有靈符藥。終難保吉麻。

【斷曰】 小小青條未遠揚。枝枝葉葉終相當。閑餘亦作黃楊厄。辛苦經年展寸長。○兩數下下。相當之象。中下稍增寸長之象。

下下 上上 下下 且保身莫妄求。

小過象飛鳥。 低昂無定踪。

未堪言大受。 恭儉慎初終。

【解曰】遍地苦荒涼。樹木盡凋傷。
豺狼當要路。吉人隱且藏。

【斷曰】狡兔營三窟。尚苦虛其一。不怕馬啼驚。只防鷹眼疾。○首尾
下下 中獨上上。故有不成三窟之占。然上上。亦應揚之象也。

下下 上中 下下 喜而不喜。故有陰人播弄。

船到江心浪拍天。 羨君飛渡得平安。

緊收蓬脚牢拴舵。 尚有前途十八灘。

【解曰】一事已成空。一事還成喜。
若遇草頭人。禍起蕭牆裏。

【斷曰】前朱雀。後玄武。招搖在上。結縉其怒。漢將能將將。將是漢王主。
兩下下有前後之象。上中居中。結縉之象。以其在中。故有主也。

下下 中平 下下 凡百事。忍為妙。如能忍。禍自消。

敬器在懸。 適中為率。

牙牌神數 下下

注滿則傾。 過猶不及。

【解曰】一字不可入公門。一入公門家便傾。平常省得些須氣。管教百事免災迎。

【斷曰】西子湖平鏡面揩。小洲中有小亭台。四時莫道風光好。一樣炎涼應候來。○下下勢卑。故有平湖之象。中平在中。亭台之象。忽中平。忽下下。炎涼之象。

下下 中下 下下 莫心焦。莫辭勞。歸家靜守安懷好。

羣陰構難。 五鬼鬧判。

權而得中。 方寸莫亂。

【解曰】陰人口舌主憂驚。孝服臨門動哭聲。連浪黃金猶失色。雙眉愁鎖事難成。

【斷曰】織女別黃姑。相去似數步。盈盈江河水。一葦不能渡。七夕原有期。飛鵲防其誤。○首尾下下。中隔中下。故有是占。

下下 上上 上上 先憂後喜。百事可成。

泗上何人識沛公。 誰知草味起英雄。

帝王卿相非常業。 多在魚鹽版築中。

【解曰】愁面笑容開。憂心事可諧。但憑理做去。不必費疑猜。

【斷曰】王會布衣。乃居魁首。仰之彌高。泰山北斗。有德則稱。無德則否。下下而遇上上。故有草昧英雄之象。泰山北斗。兩得上上之象。

下下 上中 上中 求名求利必用心機

鐵鑄風波獄已成。吉人天相得從輕。

更看筆上青蠅繞。詔下金雞慶再生。

【解曰】百千盜賊虎狼心。愿汝干戈用力深。自此綠林踪跡斂。一方始得免災侵。

【斷曰】庚信小園中。蓬開亞蒂紅。朱華迎曉日。翠蓋障西風。○下下小園之象。兩得上中並蒂之占。

下下 中平 中平 保守待時久後必發

道與時違。名微位卑。

且勤爾職。祿養無虧。

【解曰】下水糧船上水鹽。年來幾倍貨財添。目今有本難尋利。且待春來勿避嫌。

【斷曰】豐城寶氣射牛斗。判別雌雄成兩口。江心鼓鑄工獨良。鬼神辟易趨魅走。○下下兩遇中平。雙劍之象。中平得中。故有是占。亦吉象也。

下下 中下 中下 欲進反退。求名反辱。不如靜守。庶免災臨。

牙牌神數 下下

一飲一啄。莫非前定。

淘沙得金。其細已甚。

【解曰】獻策上長安。功名兩字難。
龍門沒君分。名已落孫山。

【斷曰】念爾祈父。特設爪牙。吁嗟行役。有母無家。
下下居上。祈父之象。兩得中下。爪牙之象。

下下 上上 上中 鐵槍磨鍼。工到自成。

厄運苦侵尋。虔修事有靈。

三星齊拱照。災退獲康甯。

【解曰】空空空。空裏得成功。根
本栽培厚。那怕雪和風。

【斷曰】事在百年。所爭一刻。月盈則虧。日中則昃。何以
立命。急起修德。以下下遇上上中。虧昃之象。

下下 上上 中平 心勿貪。貴知足。

先主當年寸土無。還從西蜀建雄都。

三分天下休嫌少。鼎足先機定草廬。

【解曰】聽命由天。由此心田。榮辱之事。與我何干。盈庭花草。滿架詩篇。儘可消閑。隨遇而安。

【斷曰】么鳳生來錦綉文。高岡獨立倚晴暉。舜琴一曲薰風裏。飛食桐花落采雲。○下下么鳳之象。上上高岡之象。以中平終雲之象。

下下 上上 中下 努力向前。不可退後。若休息怠惰。事難成就。

臨深淵。 陟高山。

雲無心以出岫。 鳥倦飛而知還。

【解曰】力爭上游。不可休息。豹死自留皮。守道名難滅。

【斷曰】徑涉波濤一葉舟。如今撐得到灘頭。幾回欲把篙來歇。恐歇篙時便下流。○下下而得上上。撐到灘頭之象。以中下終。下流之象。

下下 上中 上上 諸凡如意。老當益壯。

如何平地得爲山。 只要工夫不畏難。

去歲園中青竹篠。 今年可作釣魚竿。

【解曰】既乏鄧通錢。還與伯道嗟。一朝時運至。枯木又生花。

【斷曰】食物無如食蔗餅。蔗漿好是老頭甜。食物無如食蔗難。蔗到甜時節又攪。○以下下而馴至上上。食蔗之象。

牙牌神數 下下

牙牌神數 下下

五〇

下下 上中 中平 得人提拔方能為

不因激勸 那得如願

意滿心高 得半失半

【解曰】一片荆山玉。如何識主希。不因磨琢好。難免砒砒識。

【斷曰】一樹梅花花滿枝。暗香浮動影參差。風欺雪壓誰曾見。但說黃昏月上時。〇三數不同。低亞參差之象。上中在中。月上之象。下下而遇上中中平。不倫不類。風欺雪壓之象。

下下 上中 中下 進退兩難不如守舊

塞翁失馬不為憂 得馬翻貽長者愁

禍福轉環無一定 須從倚伏究根由

【解曰】家宅久埋塵。遷移亦是運。只緣時運減。人傑地方靈。

【斷曰】卜宅如何未卜隣。三遷枉費主人心。映塔碧草自春色。隔葉黃鸝空好音。〇三數遞變。三遷之象。下下與中下相次。中隔上中。故有隔葉之占。

下下 中平 上上 青雲得路不日亨通

澤國羈樓困楚囚 偶然遊息得平邱

何妨鼓興攜山屐。還有奇峯在上頭。

【解曰】藜藿鷄衣苦不全。鳩形鵠面寔堪憐。此身莫向薄中殞。倘有良緣在目前。

【斷曰】刺繡纔添弱線長。灰飛度管驗初陽。熙熙盡在春台上。萬物猶如熾而昌。○下下而至中平。添線之象。萬物熾昌。則以上上終也。

下下 中平 上中 耐心等待時亨通將至。

未來事。黑如漆。

金雞玉犬報佳音。海上蟠桃初結實。

【解曰】釋職非其罪。無辜羨里囚。欲免網羅累。秋深始自由。

【斷曰】揀得名花着意栽。園林次第看花開。春風有意催花急。報到棠梨二候纔。○二數漸增。蕊開次第之象。上中與中平二候棠梨之象。

下下 中平 中下 百事無成。且有意外之變。

困苦雖由命裏該。巫醫小道亦須才。

守株待兔有時獲。緣木求魚何處來。

【解曰】命蹇兮時遠。災及兮身羸。皇天兮不佑。嗟我兮何爲。

牙牌神數 下下

牙牌神數 下下

五二

【斷曰】小圃參差護短籬。不種桑麻種野薺。細莖薄葉日滋長。荼苦那得甘如醴。○三數不同。參差之象。俱是卑下。所以有求不得之占也。

下下 中下 上上 諸事留心。防人暗算。

三戰三北君莫羞。一匡天下霸諸侯。

若經溝壑殉小節。蓋世功名盡射鉤。

【解曰】靜處常思慮。求謀貴審機。樽前防暴客。巨免是非。

【斷曰】山塘七里美難勝。多少遊人拾級升。大笑一聲天地折。蘇山頂上有孫登。○下下而遇中下。拾級之象。以上上終。孫登長嘯之象。

下下 中下 上中 暫偃蹇。即亨通。惟問病難免凶。

道旁有李不可餐。望梅止渴不救饑。

耐得石蓮心裏苦。這回甘蔗老來甜。

【解曰】前生君是大羅仙。偶遭貶謫到人間。若將根蒂守牢固。不日飛昇上九天。

【斷曰】不號飛仙號酒仙。幾時貶謫在人間。捨身試捉磯頭月。依舊凌虛上九天。○下下中下。其勢卑矣。貶謫之象。終得上中。凌虛之象。

下下 中下 中平 不必強求。反禍為福。

一二三四五六七。

八九相乘數乃畢。

老陽未變不能生。


占者逢之靜則吉。

【解曰】福爲卦之首。禍乃數之終。
若將根蒂省。時來運自通。

【斷曰】始。一步一趨。相去無幾。失之毫釐。謬之千里。善終厥善。慎之終。
始。三數相次。相去無幾之象。三數不同。毫釐千里之象。

按數分五類。每類二十五數。合成天數五。地數五。五五二十五之意。共成一百二十五數。數詞四句。事變萬物。惟在占者誠心求之。則無不應驗。如占得之數。與所問之事。語氣未協。當於字句間。玩味詳測之。所謂以意逆志。是爲得之也。

牙牌口散 下下



中華民國十四年十一月出版
中華民國十四年十一月發行

牙牌神數 (全一冊) 占

每部定價洋一角



分售處

校勘者	江甯秦慎安
發行者	文 明 書 局
印刷者	文 明 書 局
發行所	文 明 書 局
發行所	文 明 書 局
發行所	文 明 書 局

北京 天津 張家口 保定 石家莊 濟南 太原 開封 西安 成都
重慶 長沙 常德 衡州 漢口 武昌 沙市 南昌 九江 安慶
蕪湖 南京 杭州 福州 廈門 廣州 汕頭 潮州 雲南 奉天
吉林 煙台 鄭州 青島 東昌 徐州 蘭州 貴陽 長春 新加坡

中
華
書
局

